



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1595. Soc. 56.

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)

comparavit ad supremum agonem. Duo, nempe P. Didacus Pirius, & P. Gonsalvus Fernandus, erant adjuutores spirituales. Postremus P. Franciscus Pereira scholasticus Theologus, ortum duxit ex Illustrissimo sanguine Feira. Concesserat è Collegio ad balnea, sive aquas salubres, quas à Regina vocant: remedium illud ita noxium expertus valetudini, ut vitæ deposita spe se accinxerit supremo itineri. Cum splendore natalium conjunxit admirabilem sui demissionem. Ad demortui feretrum ceratim parvuli confluxere, ipsummet feretrum osculo venerati. Pro ejus requie funebrem psalmodiam decantârunt seculares presbyteri, ac iterum ordines Religiosorum. Obiit in nosocomio regio opinione virtutis singularis relicta.

3. Ex eodem Collegio decem & quatuor sacerdotes cum totidem scholasticis sacras missiones habuerunt. P. Sebastianus Barradas progressus ad Guardiansem dicecesim cum alio sacerdote more Apostolico discurret, incredibilisque fructus collegit. P. Antonius Mascarenus & ipse pedes cum socio scholastico adivit Leyriam; nec in Episcopo, nec in palatio Villæ regalis, sed in nosocomio voluit hospitari. Neque admisit escam, nisi quam emendicabat ad civium ostia. Id in Antonio spectabilis, quod esset omnibus cognita ejus primaria Nobilitas.

4. Ultra mare ad Indos navigârunt quatuor. P. Ludovicus Cerqueira, Episcopus Japonensis, vir magnæ virtutis & sapientiæ, P. Valentinus Carvalius, Ulyssiponensis, primus in scholis patriæ suæ Magister Philosophiæ, Franciscus Paira, & Emmanuel Joannes non sacerdotes. P. Cerqueira profitebatur Eboræ Theologiam, Doctoris accepit insignia jam designatus Episcopus, Patrono Alexandro Brigantino. Dum gradu donabatur, Theotonius Archiepiscopus anulum sibi detractum obtulit, ut infereretur novi Doctoris digito. Quâ die uterque Princeps apud nos prandere dignatus est. Accidere hæc mensè Novembri anni proximi.

5. Inauguratio Episcopi facta in nostro Eborensi templo à Theotonio invitatis ab ipso nonnullis Episcopis. Res peracta ejusdem Theotonii expensis, magno utique apparatu, & donis, quibus Cerqueiram cumulârat. Prandium apud nos fumpsere cum viris aliis gravissimis. Interim Nostri diversis linguis dixerunt è pulpito triclirii. Postremus Lusitano sermone explicuit, quas infulas admittere soleat Societas, & quos habeant reditus, nempe cruces, labores, & martyria. Hæc oratione multi non poterant sibi à lacrymis temperare.

6. P. Valentinus Carvalius erat in quarto anno sui Philosophiæ magistrus, typisque mandaverat sustinendas de more theses Philosophicas, cum monitus est ad comitandum Episcopum, peculiari gaudio obedientiam excepit. Primus erat, qui novi Collegii D. Antonii habitator ad Indicas missiones vela solvit.

Missiones.

Profecti ad Indos.

Ludovici Cerqueira Episcopi inauguratio.

P. Val. Carvalius Professor promptè pergit in Indiam.

Annus 1595. Soc. 56.

I. **E**T hoc anno quaternos India sibi vendicavit, Gomium Ferreiram Eborensis, Melchiorum Fonseca, Ludovicum Cardozum, sacerdotes, & Hieronymum Rodericum. P. Cardozus Covilaniensis egregiam in tirocinio probaverat constantiam, ut relatum est anno 1580. Goæ Theologiam professus, illiusque Provinciæ moderatorem egit. Ad Brasiliam profecti sex, Raphaël Carnerius, & Joannes Fernandus, operantes ad aram; Emmanueles Gomius, & Tenreirus, scholastici; Joannes Baptista, & Franciscus Gonsalvus, adjuutores temporales. Postremus annis triginta munus obivit Subministri, quod non exiguum est de virtute Francisci indicium.

Ad Indiam & Brasiliam profecti.

2. Sociorum JESU labaro adscriptus est Conimbricæ 22. Februarii Vincentius Alvarus, scholasticus, natus Ferreiræ in dicecesi Eborensi: postea occisus à Mauris in odium fidei apud Indos.

Ingressus.

Antonius Franco.

X

3. In

Mortui in
Domo Pro-
fessa.

3. In Domo Professorum quartâ & vigesimâ Augusti vitam cum morte commutavit P. Emmanuel Sequeira, vir notæ virtutis, & primus Rector Madeirensis Collegii annis plurimis. De ipso fustus scribo in opere de Novitiis Eborensibus. Ibidem decessit P. Didacus Ferrazius Portuensis, adjutor spirituales, vir admodum pius. Celeberrima supplicatio de Passibus Domini Crucem ferentis humero originem primam in Lusitania Didaco acceptam refert.

In Collegio
Ulyssiponen-
si.

4. Decimâ nonâ Februarii vitam exhalavit in Ulyssiponenfi Collegio P. Ludovicus Alphonsus, tabe lentâ consumptus. Pinerii Dazeri Diœcesis Vitenfis editus est. Undecim annos docuit Grammaticam. Ministrum Domûs agens vir quinquagenarius verbebat scopis pavimenta, ut eo labore socios liberaret.

Conimbricæ,

5. Conimbricæ 13. Februarii immortalitatem subit P. Fernandus Perius, Cordubensis, unus è primis Professoribus Eborensis Academia. Litteris emittit, & multò magis virtutibus, quibus jecit fundamenta in schola Joannis Avilæ per id tempus egregii sanctitatis Magistri. S. Borgia eum misit Eboram ad Theologiam docendam; eandem tradidit in Collegio Conimbricensi. Peculiari vigeat memoriâ, ut è cathedra dictando nunquam chartam inspexerit. Profundæ sapientiæ sociavit summam animi demissionem, & charitatem ferventem, ad quam supremis verbis socios cohortabatur. Ejus vita circumfertur fuscè scripta, & vulgata in opere de tironibus Eborensibus. Ibidem 19. Novembris reliquit mortales P. Dominicus Joannes Liscimatus, dum facit excursionem sacram per regionem saltus ab stella, gravi morbo corripitur. Deductus in lectica ad Collegium, malo vincente cuncta remedia, ad supremam paratus luctam satisfecit naturæ summâ conscientiæ tranquillitate.

Missiones,

6. Bajam, Serpam, & Elymotium sacris missionibus excoluerunt Eborenses. Algarbia ingressus novus Episcopus Fernandus Martinus Mascarenus rogavit à moderatore Provinciæ mitti aliquos Patres, quos comites haberet in percurrenda diœcesi, iisdemq; ad populi institutionem doctoribus uteretur. Duo concessi, qui septem menses in ea cultura consumpsere.

Dæmon fugatur,

7. Civium quidam retulit Episcopo res suas domi à stygio alastore perturbari: quæ venalia haberet, furripit; mercatoribus res empturis evanescere pecunias: duas filias è conspectu repenti sublatas, ductasque per loca prærupta ad Convivium exquisitis instructum epulis, mox paternæ domui restitutas incolumes. Episcopus hominem ad Patres relegat. Quibus tamen insultaret dæmon, auctores tamen fuere civi & puellis, expiarent animas omnis antea vitæ confessione; singulisque ceram benedictam de collo suspenderunt; cessavitque intemperies.

De aliis Col-
legiis, &
Angola.

8. E Collegiis Bracharensi & Portuensi, atque Michaëlenfi Residentia non defuerunt utilissimæ excursionès. Massangani in Angola Nostri cum oppidanis & præfidiario milite plurimum perpeffi sunt mensibus undecim, quibus à Nigris obfidebatur oppidum naturâ suâ munitissimum: verùm annona penuria tanta fuit, ut vix arma miles sustineret: tandem classe ex Lusitania accedente missis auxiliis aliquantum respirarunt: sed aura pestilens sic novum militem prosternit, ut Nostri succurrendo ægris multum sibi laborem cumularent.

Initium
Collegii
Angrensis.

9. Decimâ die Maji prope Dominicam Ascensionem positus est primus lapis pro novo ædificio Angrensis Collegii. Peregit eam caeremoniam Episcopus Emmanuel Gouvea, frater P. Ignatii Martinii. Verba fecit pro solemnitate P. Fernandus Guerreirus. Dicitur est Collegium Ascensioni Dominicæ, & ab Ascensione dictum.

Annus 1596. Soc. 57.

Profecti ad
Indos.

Magnum subsidium missionibus Indicis juvandis, etsi dispari successu, tulerè duodeviginti Nostri in duas distributi naves. Major pars erat cum P. Doctore Nicolao Pimenta, qui multis annis rexerat Conimbricentem Col-